

毛

詩

原

解

毛詩原解卷十三

陳

陳太皞伏羲之墟其地廣平無名山大川西望外方  
東不及孟諸周武王時舜之後有虞閼過父甫者爲  
周陶正武王賴其器用以元女大姬妻其子滿而封  
之于陳與黃帝之後封于薊堯之後封于祝者共稱  
三恪禮降于二客而尊于諸侯卽今河南陳州地後  
爲楚所滅諸國自秦以上次第可推自陳而下三國  
最小先亡故附于後

子之湯

叶今

宛丘之上兮洵有情

叶今

而無望兮

○坎

其擊鼓宛丘之下

叶虎無冬無夏

叶虎

值其鷺羽○坎其擊

缶叶宛丘之道

叶

無冬無夏值其鷺羽

叶導

叶丑

古序曰宛丘刺幽公也毛公曰淫荒昏亂游蕩無度

焉○朱子改爲國人見此人常遊于宛丘之上故序

其事以刺之若是則民間自相刺耳夫風行自上始

也國人遊蕩何關君德而以首風乎非也○

章一欲不

可縱樂不可極今子蕩而忘反日爲宛丘之遊恣已

適意信乎有情矣而國人屬目無大觀之望焉○

章二

坎然擊鼓作樂于宛丘之下雖祁寒大暑漫無休期

常見其植鷺羽而舞也○

章三

坎然擊缶作樂于宛丘

之道無冬無夏植鷺翾而舞也○子指幽公湯與蕩  
同外高中下曰宛丘陳都宛丘側坎與侃通和意缶  
樂器史秦王擊缶翾與蠡通舞者所持以自蔽也  
宛丘三章章四句

東門之枌

樊

宛丘之樹

許

子仲之子婆娑其下

虎

穀

旦于差

殘

南方之原不績其麻

知

市也婆娑

獲

○穀

旦

于逌

越

以駸

宗

邁視爾如收

蒿

貽我握椒

古序曰東門之枌疾亂也毛公曰幽公淫荒風化之  
所行男女棄其舊業亟會于道路歌舞于市井爾○  
朱子改爲男女聚會賦其事以相樂非也男女淫樂

必不自宣其醜不績其麻市也婆娑此疾亂之辭甚明東門國門也紛言紛衆也栩言許多也二章言市都市也三章言醜人叢集也猶齊風言魯道行人皆以羞惡諷之子仲女氏也南方女居也原女姓也穀旦良時也績麻女業也諷其失時廢業也婆娑放浪不檢非女之容也如苢貽椒記相謔之辭也苢蕎麥其子觚稜翹然不相合也椒子圓滑其芳易襲始若苢而終握椒比淫女始違而終見從也猶衛桑中之期送與鄭溱洧之贈謔皆詳暴其事以諷之所以爲刺○一城之東門有枌城父宛丘有栩耳目紛然如

許子仲氏有女娉娉然遊樂于其下焉○○邇差良  
善之且將會彼南方之原氏其女輟績麻之業出都  
市之中娉娉而遊焉○○既及良晨而往於以總衆  
同邁視爾初會未習翹然如蒞已乃貽我一握之椒  
望外之幸也○○枌白榆也枌櫟也子仲陳大夫氏子  
女也原姓也春秋公子友如陳葬原仲貴族也穀旦  
善朝晴明之早也差擇也越於也麗總也邁往也

東門之枌三章章四句

衡門之下可以棲西遲泌秘之洋洋可以樂饑○豈其  
食魚必河之魴豈其取去妻必齊之姜○豈其食魚必

河之鯉豈其取妻必宋之子叶

古序曰衡門誘僖公也毛公曰愿而無立志故作是詩以誘掖其君也○朱子改爲隱居自樂無求者之辭又曰僖者小心畏忌之名序以爲愿無立志而配以此詩耳愚按諡法小心畏忌曰僖此詩殊無小心畏忌之意何緣強配僖公詩實似賢者隱居何不以秉政不任賢之諡配夷公尤明切乎夷去僖甚近也古人序詩不察源委但以諡法強配欺天下後世無是理矣朱子說詩極淺率其詆序極深刻類此蓋陳本小國僖公愿謹無爲詩人遷就誘掖因器勸成如

孟子云滕雖褊小猶可爲善國云爾詩人卽其所自處以比故似隱者之辭○章一橫木爲門雖無往來然亦可以棲息而遲迴泌彼泉水雖不流通然望澤充蒲亦可玩樂而忘饑君今愿謹自守亦何不可也○章二凡魚皆可食豈必河之魴凡女皆可妻豈必齊之姜隨分謹守皆可以爲國也○章三凡魚皆可食豈必河之鯉凡女可妻豈必宋之子君苟有志不在好大驚遠也○衡橫同橫木於門以止出入者泌與楚通水停積也洋洋充滿也齊姜宋子貴族女也

衡門三章章四句○魏地陝隘其民纖嗇而君褊急



故詩人望其君以恢弘陳地廣平其民游蕩而君愿  
謹故詩人誘其君以立志卒之晉強于諸侯而陳終  
不振故國不厭小俗不厭儉君不厭愿詩可以觀矣  
東門之池可以漚漚紵麻彼美淑姬可與晤歌○東  
門之池可以漚紵上聲彼美淑姬可與晤語○東門之池  
可以漚管干彼美淑姬可與晤言

古序曰東門之池刺時也毛公曰疾其君之淫昏而  
思賢女以配君子也○朱子改爲男女會遇之辭非  
也水性流蕩而池水湛靖以比賢女幽貞麻紵管比  
君德昏亂詩人惡淫女思淑姬猶小雅車輶之思季

女也。晤相對不寐也。歌以善道諷詠也。語言以善道相告語也。君德不淑而致望于內助無俚之至所以爲刺也。○韋麻之爲物必漚而後脫東門池水停蓄以漚麻則無漂流之患猶淫女不可配君子維彼美德之淑姬乃可與惺然晤對歌詠相規不導君以淫昏也。○韋紵必漚而後可績東門池水清潔乃可漚紵彼美善之女始可與晤對相告語耳。○韋管必漚而後可絞東門池水蓄聚乃可漚管彼美善之女始可對晤相與言耳。○東門城東門停水曰池漚水浸物也。紵麻屬可績以爲布管茅莖可以絞索水浸乃

桑扈任可用。姬女子之美稱。黃帝姓姬。炎帝姓姜。二姓之後最貴盛。故婦女美者稱姬姜也。

東門之池三章章四句

東門之楊其葉牂牂。牂牂昏以爲期。明星煌煌。○東門之楊其葉肺肺。肺肺昏以爲期。明星晢晢。制

古序曰。東門之楊刺時也。毛公曰。婚姻失時。男女多違。親迎女猶有不至者也。○此詩與鄭之丰。事類而其刺同。楊有葉。冰泮後期也。朱子改爲男女期會負約之辭。暮夜郊外。林莽相期。唯恐人知。又自詩以傳乎。非情也。○章霜降以後。冰泮以前。皆昏姻之期。今

東門之楊葉牂然而盛則莫春矣親迎以昏爲期啟  
明之星煌煌而猶不至豈貞信之女乎○二章東門之  
楊其葉肺肺然過時矣親迎以昏爲期明星晢晢而  
猶不至豈知禮者乎○柳枝揚起曰楊低垂曰柳牂  
牂大也楊葉大則春暮矣肺肺猶沛沛與蔽帝同煌  
煌晢晢皆明也

東門之楊二章章四句

墓門有棘斧以斯之夫也不良國人知之知而不已誰  
昔然矣○墓門有梅有鴉鼻萃止夫也不良歌以訊碎  
之訊予不顧叶顛倒思予與

古序曰墓門刺陳佗也毛公曰陳佗無良師傅以至  
於不義惡加於萬民焉○按春秋魯桓公五年陳文  
公病庶子佗弑太子免而自立國人大亂佗奔蔡蔡  
人殺之此詩刺佗無良由無賢師傅也自古貴戚驕  
奢由羣小導之鄭段與國人狎而作亂陳佗與不良  
處而弑君垂戒遠矣墓門凶僻之地棘言急也梅言  
迷也鵙惡鳥也比凶人朱子謂序因陳國無事可紀  
獨陳佗作亂以是詩與之非也夫事孰有大于弑君  
者陳之有佗猶衛之有州吁鄭之有叔段皆國家大  
故采風而無刺奚貴焉風故陳風墓門猶衛之終風

與鄭之叔于田耳○一章墓道之門有棘生焉非以斧  
斯析之不可除也猶人不材必以直諒之士輔之此  
夫不善不可爲輔國人所知衆惡之而不能去其根  
据株連疇昔已然非一朝一夕之故矣○二章墓門有  
梅惡聲之鴉羣萃于其上凶人褻而作不祥猶是也  
此夫不善不堪作輔故爲歌以告之旣告而不顧至  
于敗壞顛倒思予言無及矣○墓門墓道之門斯析  
也夫指陳佗之黨已去也誰昔猶疇昔萃羣集也訊  
告也顛倒猶顛沛敗壞也

墓門三章章六句

防有鵲巢

邛

有旨茗

條

誰併

予美

心焉忉忉

刀

中唐有甃

必邛

有旨鵲

逆

誰併予美心焉惕惕

古序曰防有鵲巢憂讒賊也毛公曰宣公多信讒君

子憂懼焉

○讒賊者讒言賊害人也各章首二句比

讒言防邛皆地名凡草秀曰茗堂下路曰唐鵲巢茗

皆常有之物而遠指防邛猶采苓之言首陽也廟中

路本砌甃為之草有鵲鳥亦有鵲四者皆疑似併張

之言故比讒也朱子改為男女有私而憂或聞之非

也以予美為男子則簡兮為怨女矣以予美為婦人

則離騷為曠夫矣從序則此詩為忠憤從朱則此詩

爲閨思聖人刪訂之義宜何從乎○章一或告君曰防  
思不巢卽地有美苕譏言影響茫昧大都類此彼  
誰人者欺誑吾君使我憂之而心忉忉乎○章二或告  
君曰堂下路中有甄甕卽地有美鵲蓋堂路本砌甕  
爲之而鳥與草名相似譏言譸張疑惑類此彼誰人  
者欺誑吾君使我憂之而心惕惕乎○旨美也苕華  
高出貌猶葦苕之苕周禮桃荂注云苕蒂今人以黍  
穗爲之併與譸通欺誑也予美指君甕甄也鵲草雜  
色如綬鳥亦有鵲咽下有喙垂一名吐綬也  
防有鵲巢二章章四句



月出皎兮。佼人僚兮。舒窈糾兮。勞心悄兮。七小兮

○月出皓兮。佼人憺兮。憺叶舒懷有受兮。勞心慄兮。

章今○月出照兮。佼人燎兮。舒夭紹兮。勞心慄兮。

古序曰。月出刺好色也。毛公曰。在位不好德。而說美

色焉。○是詩本刺好色。而毛公云。在位不好德。蓋人

主之心所好在此。則所輕在彼。孟子云。其爲人也多

欲。雖有存焉者。寡矣。子云。吾未見好德如好色者。齊

民好色。亦職惟疾。爲人上而無德。何以先民下之。淫

風。由于上之倡率。故詩呼月出。以警在上。月主陰司

昏。俾畫作夜。比女色也。匪才匪德。一佼人耳。反覆思

念至于勞心。輾轉不已。所以爲刺。朱子改爲男女相  
悅相念之辭。味索然矣。○章一月之初升。皎然光潔。如  
彼佼人。僚然而姣好也。行止舒徐。其姿態窈糾。勞心  
思之靜默而悄然也。○章二月之初出。皓然明白。如彼  
佼人。惻然美好。形容安舒。慢受而徐緩。勞心思之。惓  
然而騷動也。○章三月出初照。如彼佼人之燎然而明  
也。儀容舒徐。天紹而柔弱也。勞心思之。燥然而愁悴  
也。○佼好也。舒徐也。窈糾。舒之姿也。惻好也。慢受天  
紹。皆舒貌。燎明也。慘作燥憂也。

月出三章章四句

胡爲乎株林從夏南叶匪適株林從夏南叶○駕我乘

馬

叶說稅

于株野

叶汝乘

我乘駒

居

朝食于株

古序曰株林刺靈公也毛公曰淫乎夏姬驅馳而往朝夕不休息焉○陳大夫夏御叔娶于鄭穆公女夏姬生子徵舒南其字也御叔蚤死陳靈公與大夫孔寧儀行父皆通于夏姬徵舒惡之弑靈公此詩託爲國人刺公而朱子因改爲民間相語之辭非也株林夏氏邑短木曰株易曰臀困于株木君臣聚淫所以困也○章一君何事于株林乎是夏南之居君將往從夏南也苟君欲見夏南召之可也何爲往從之然則

非從夏南祗欲適株林而已○二章時見其駕一乘之馬止舍于株邑之野時見其乘一乘之駒朝食于株朝朝暮暮無休息也○說舍也馬六尺以上曰駒株林二章章四句

彼澤之陂叶有蒲與荷何有美一人傷如之何寤寐無

爲涕替泗滂沱○彼澤之陂有蒲與藺叶有美一人碩

大且卷拳寤寐無爲中心悁悁消○彼澤之陂有蒲藋

竿藋叶有美一人碩大且儼寤寐無爲輾轉伏枕展叶

古序曰澤陂刺時也毛公曰言靈公君臣淫於其國

男女相說憂思感傷焉○朱子直以爲男女之辭非

也。極道其相悅相念。所以爲刺。淫義生于水。故以澤  
比蒲荷。蘭菡萏皆柔弱浸淫之物。水草相依。比男女  
相狎。憂思至悲。傷涕泗寤寐不忘。化之所由來者漸  
矣。○章一蒲質柔弱。荷華芳艷。生彼澤水之畔。男女相  
悅。亦若此。有美一人。不見悲傷如何。或醒或寐。不復  
他事。惟思此人。至于涕泗滂沱交零也。○章二彼澤之  
畔。有蒲與蘭。有美一人。其形碩大而髮卷曲。寤寐無  
爲。惟念此人。中心惓然悵鬱也。○章三彼澤之畔。有蒲  
與菡萏。有美一人。碩大而莊嚴。寤寐無爲。惟念此輾  
轉伏枕也。○陂隄邊也。蒲莞屬蘼。曰蒲細曰莞荷美。

渠也莖曰茄

加

葉曰瓠

退

本曰莖

密

華曰萼萼實曰

蓮根曰藕子曰的的心曰薏汁自目曰涕自鼻曰泗

蘭管也或云當作蓮三章一物爲比卷猶髮也髮好

貌惓惓猶悵悵

澤陂三章章六句

毛詩原解卷十三終

毛詩原解

合

卷十三

十一

陳

毛詩原解卷十四

檜

檜古高辛氏火正祝融之墟在禹貢豫州外方之北  
滎波之南居溱洧之間妘姓子爵武王始封平王東  
遷鄭桓公滅之而併有其地今河南開封府新鄭縣  
是也

羔裘逍遙狐裘以朝叶豈不爾思勞心忉忉刀○羔裘  
翱翔狐裘在堂豈不爾思我心憂傷○羔裘如膏叶去聲  
日出有曜要豈不爾思中心是悼導

古序曰羔裘大夫以道去其君也毛公曰國小而迫

君不用道好潔其衣服。逍遙遊燕而不能自強於政。  
治。故作是詩也。○朱子謂檜君好潔其衣服。逍遙遊  
宴。故詩人憂之。此又拘毛說過也。古序云。大夫以道  
去其君而已。好潔衣服。毛公解釋詩中文字。詩不爲  
潔衣服作也。檜君之過。不在潔衣服。大夫所爲去。亦  
不以潔衣服。特以逍遙不能自強。故以衣服比。言服  
飾之外。都無所事。云爾。猶曹風之蜉蝣也。○章羔裘  
以閒居。狐裘以視朝。服飾非不美也。然國小而君情  
危亡將至。豈不念爾忍於去乎。道不可留。勞心忉忉  
然也。○章二羔裘狐裘儼然。國君之服。翱翔無事。危亡



將至。豈舍子不思。道不可留。徒爲憂傷耳。○三章羔裘如膏。日照之而生暉。服飾雖美。無憂勤之慮。使我思之。中心是悼也。○如膏潤澤也。暉光華也。

羔裘三章章四句

庶見素冠兮。棘人欒欒兮。勞心博博兮。○庶見素衣兮。我心傷悲兮。聊與子同歸兮。○庶見素韞兮。我心  
蘊尹結叶聊與子如一兮。

古序曰。素冠刺不能三年也。○禮父母喪必三年。始死。疏衰苴經杖。期年外一月小祥。以練熟麻布爲衣冠。再期外一月大祥。又間一月禫而服除。實不計閏。

二十七月上下同之周衰禮廢三年之喪不行如春秋諸侯居喪而親迎盟會征伐大夫以下可知故詩人刺之素冠卽練冠能練冠則能三年矣○章三年之喪十有三月而始練冠庶幾得見此守素冠之禮者其人急遽其容癯瘠乃爲守禮之孝子我思之不見勞心惻惻然爾○章庶幾見此服素衣者乎我思之傷悲儻得見之聊與子爲同歸之好矣○章庶幾見服素韠者乎我思之蘊結儻得見之聊與子爲如一之交矣○棘人凶急之人指孝子也纍纍瘠貌惻惻憂勞意韠蔽膝也亦謂之韠與蒂通

素冠三章章三句

隰有萋

長楚猗阿儺那

其枝天之沃沃樂子之無知○

隰有萋楚猗儺其華

花天之沃沃樂子之無家○隰有

萋楚猗儺其實天之沃沃樂子之無室

古序曰隰有萋楚疾恣也毛公曰國人疾其君之淫

恣而思無情慾者也○朱子改爲政煩賦重民苦而

作非也萋楚言長愁也凡人情慾生于有知成于有

室苟常如童赤無知無室家則奚累之有萋楚始生

自立盈尺以上則蔓延草上人壯而有室多累似此

故以爲比○

章一萋楚始生無緣自立長則其枝柔弱

三言乃角 卷一  
援延倚附不能自持回思少時沃沃然充盛淡泊無  
知良可樂也○二章緣染生于柔情隰有萋楚猗儺其  
華不能自立人之多慾何以異此不如爾始生夭沃  
無家焉可樂也○三章人心無慾則剛萋楚猗儺故不  
能挺立思子初生夭沃無室爲累人不如也○萋楚  
一名羊桃葉如桃子如棗核花實皆連理故以比淫  
猗儺柔貌天小也沃沃幼而肥澤貌子指萋楚  
隰有萋楚三章章四句○是詩與唐風十畝之間朱  
說皆極似彼謂讀詩易簡直訣類此所以不及古序  
者風人之志深厚微婉則得而淺率直遂則失之故

夫善說詩者不以辭也

匪風發兮匪車偁兮顧瞻周道中心怛怛兮兮○匪風

飄兮匪車漂漂兮顧瞻周道中心弔弔兮兮○誰能享魚

漣蓋之釜鬻鬻誰將西歸居懷之好音

古序曰匪風思周道也毛公曰國小政亂憂及禍難

而思周道焉○朱子以周道爲適周之路謂序未達

非也詩言顧瞻者雖適周之路而意之所託則周道

盛時也王綱振肅故無侵陵之患比其衰也小國失

恃故曰中心怛兮所以瞻行路而思王道也風發車

偁亂世搶攘之象○章一狂風非常而暴發車行非常

而奔偈亂世景象何以異于驅車走風塵乎。觀此周  
京之路中心爲之惻怛也。○章二匪有風之飄迴若此  
者矣。匪有車之嘒播若此者矣。世路洶洶不寧。顧瞻  
周道中心弔憫耳。○章三烹魚者煩之則碎。治民者安  
之則理。苟有烹魚者我爲之滌其器。天下宗周則政  
出於一而小國安。苟有西歸仕周者我以善言安慰  
之矣。○匪風猶言非常之風。偈疾驅貌。回風謂之飄  
風。嘒疾吹不安也。鸞釜屬西歸謂仕西京者懷安也。  
好音安民致治之言也。

匪風三章章四句

卷十四終

毛詩原解卷十五

曹

曹地在禹貢兗州陶丘之北雷夏荷澤之野介于魯衛之間武王以封其弟振鐸後爲宋所滅今山東兗州府曹州是也

蜉蝣之羽衣裳楚楚心之憂矣於我歸處○蜉蝣之翼采采衣服必叶心之憂矣於我歸息○蜉蝣掘閱麻衣如雪心之憂矣於我歸說叶如

古序曰蜉蝣刺奢也毛公曰昭公國小而迫無法以自守好奢而任小人將無所依焉○蜉蝣之言浮游

也。放浪不檢，無法守之。比蜉蝣小蟲，朝生夕死，國小而迫之。比衣裳文采，好奢之比羽翼，任小人之比危亡將至，故無所依。朱子改爲時人有玩細娛而忘遠慮者，此刺之非也。○章蜉蝣小蟲，雖有羽翼，朝生夕死，不能久長。君臣不能自強，惟靡麗是好，雖衣裳濟楚，其何能久？我心憂慮，國之將亡，無所依惟於我歸處而已。○章蜉蝣雖有翼而不能久，如人脩飾采采之衣服而不知禍之將至，我心憂慮，何所歸息乎？○章蜉蝣掘然而闕，出何能久也。今服飾整齊，布衣鮮潔如雪，而危亡將至，我心憂慮，何所歸稅也。○蜉蝣



似蛭蟻俠而長朝生暮死楚楚整齊也采采華美也  
掘閭掘地出見也猶閭人閭世之閭麻衣布衣也麻  
布色白如雪說作稅舍也

蜉蝣三章章四句

彼侯人兮何火戈與袂述彼其之子三百赤帶弗○維

鷦鷯啼在梁不濡其翼彼其之子不稱去其服必叶○維鷽

在梁不濡其味貴彼其之子不遂其媾○薈穢今蔚畏

今南山朝隤貴婉兮孌兮季女斯饑

古序曰侯人刺近小人也毛公曰共恭公遠君子而

好近小人焉○朱子謂序以三百赤帶附合春秋左

傳晉文公入曹之事遂以爲共公非也。按詩序本國史舊目。聖人因之刪定。其來遠矣。左傳出後人手。敘重耳入曹。數其不用僇負羈乘軒者三百人。襲此詩三百赤帶語。其實誤也。蓋諸侯大夫不過五。以曹之叢爾舉羣臣不能三百。而況大夫言三百者。極道其濫耳。故曰說詩不以辭害志。若雲漢則周之民無子遺。若侯人則曹之大夫有三百。詩烏可以辭徵也。左傳引此屬文。非重耳真有此言。朱子反疑序說爲附合左傳倒矣。○章賢者宜在高位。今以爲侯人荷戈殺迎送賓客。若此其賤也。彼其之子。何功德而服赤

芾爲大夫者。至三百人之多乎。○章二鵯鵯水鳥。貪汙之物也。在梁求魚。未有不濕翼者。小人竊祿。何以異此。豈能稱其命服乎。○章三維鵯在梁。未有不濕其味者。彼小人苟得君寵。豈能稱其寵遇乎。○章四南山薈蔚。然而草木茂盛。其氣蒸騰。朝旦上升。少女婉孌。美好。自守貞一。而年穀不熟。不免饑餓。小人氣勢方盛。君子困餒。何以異此。○周禮夏官侯人。上士六人。下士十二人。徒百二十人。掌道路迎送賓客。何荷通殺父也。芾。韋通蔽膝也。以韋爲之。古者衣皮蔽前。不忘本也。冕服謂之芾。他服謂之韠。其制同。禮大夫以上

赤芾乘軒玉藻一命緼芾黝珩再命赤芾黝珩三命  
赤芾葱珩鷩鷩一名陶河其鳴自呼喙也遂稱也  
媯與逋通遇也薈蔚鬱茂貌

侯人四章章四句

鷩鷩在桑其子七兮淑人君子其儀一兮其儀一兮心  
如結叶兮○鷩鷩在桑其子在梅淑人君子其帶伊絲  
其帶伊絲其弁伊騂○鷩鷩在桑其子在棘叶淑人君  
子其儀不忒其儀不忒正是四國○鷩鷩在桑其子在  
榛叶淑人君子正是國人正是國人胡不萬年叶

古序曰鷩鷩刺不壹也毛公曰在位無君子用心之

不壹也○朱子改爲美君子用心均平專一非也詩  
因美以見刺稱善人君子以警在位者之不然猶鄭  
風之羔裘小雅楚茨之類民風不醇由上無身教而  
下無表率也故君心至誠純一爲本天下不見君子  
之心見君子之儀而卽儀可以徵心物性誠一無如  
鳥哺子鴈鳩每生七八子哺之如一月令季春戴勝  
降于桑鵲鵲首有幘名戴勝喜食桑葚初夏桑葚熟  
則鵲鵲子飛氓之篇曰于嗟鳩兮無食桑葚是也以  
鴈鳩比亦人不如鳥之意是以爲刺○一章鴈鳩之降  
于桑也其子有七而鴈鳩哺之常如一人君有誠一

之德安養兆民亦猶是矣。故善人君子其儀容安靜有常儀者心之形儀之一。由其心之貞固如結而不變也。○章二鳴鳩在桑其子或在梅子移而鳩不移居一以待子也。淑人君子其朝服大帶用絲在首之弁色尚青黑服有常卽儀有常而心可知已。○章三鳴鳩在桑子時在棘淑人君子儀有常而不差忒則可以表正四方之國矣。○章四鳴鳩在桑其子時或在榛淑人君子本如結之心表正四國仁者宜在高位胡不壽考萬年乎。○鳴鳩鵲也。騏青黑色古者冠弁皆玄。

鵲鳩四章章六句

冽列彼下泉浸彼苞蘩

即愾愾

我寤嘆念彼周京

叶姜

○

冽彼下泉浸彼苞蕭

叶脩

愾我寤嘆念彼京周

○冽彼下

泉浸彼苞著

尸

愾我寤嘆念彼京師

○芄芃黍苗陰雨

膏

叶去聲

之四國有王郇伯勞

去聲之

古序曰下泉思治也毛公曰曹人疾共公侵刻下民

不得其所憂而思明王賢伯也○朱子謂曹無他事

可考序因侯人遂以爲共公此天下大勢非共公之

罪非也按詩先後自有定序此詩爲共公舊矣不卹

其民而使民憂思安得無罪事雖不獨曹而詩作自

曹卽爲曹風。豈得以天下大勢諉之。泉水寒冽。不能  
生物。比國政侵刻也。田無五穀。惟狼與蕭。比閭閻蓬  
蒿。無力供誅求也。是以有明王賢伯之思焉。○年冽  
然寒涼。下流之泉。本不能生物。況今田無五穀。但浸  
彼叢生之稂。民間荒涼。苛政侵刻。何以異此。是以我  
愴然不寐。而嘆念周京之盛時也。○年冽然下流之  
泉。五穀不登。浸彼叢生之蒿耳。故我愴然寤嘆。念昔  
京周之盛焉。○年冽彼下泉。浸彼叢生之菁草耳。我  
是以愴然寤嘆。念昔京師盛時焉。○年亢亢然茂盛  
之黍苗。非稂蕭之荒蕪也。天又潤之以陰雨。豈若寒



泉之浸漬乎念昔周京盛時四國既有明王爲主故  
有郇伯勞來之今天下無王矣安所得賢伯乎○冽  
寒也水寒則損稻苞叢生也稂苗之不實者慄嘆聲  
著蒿也郇伯郇侯爲州伯文王子左傳富辰曰畢原  
酆郇文之昭也

下泉四章章四句○風至曹而王迹熄矣春秋所以  
作也故詩人念周京衰四國思明王與賢伯焉是時  
晉重耳始霸執曹君分曹地要王饗醴策命爲侯伯  
天下有天子而後有方伯無天子而方伯制命專征  
伐天下所以大亂故曰四國有王郇伯勞之無明王

手言乃角 卷十五  
焉得有賢伯。春秋書晉侯入曹。執曹伯。昇宋人與詩。  
詠下泉。剛詩終。曹風義同。惟知春秋者可與言詩。故  
曰詩亡。春秋作千載知言。孟氏一人耳。後儒獎霸尊  
晉。烏足與言詩。

毛詩原解卷十五終

毛詩原解卷十六

豳

豳周之始國也。其地在禹貢雍州岐山之北。今陝西  
西安府邠州等處是也。周自后稷始封邠。其子不窋  
拙失官。不窋之子公劉始遷邠。十世而古公亶父避  
狄遷岐。文王遷豐。武王遷鎬。皆豳始也。七月豳俗也。  
始二南而終豳者。豳周道之始。二南周道之成也。守  
成者原其始。始則中變。撥亂者反其終。終則復始。文  
王基始。周公代終。周道之全也。變風而終以周公。剥  
則思復也。左傳吳季札觀魯樂。豳次齊先秦。及夫子

刪詩以豳終思周公也然則周公之詩何不遂以屬魯周公未嘗一日居魯也成王尊周公而不以爲臣魯本臣而因周公自尊故聖人爲魯頌不列魯風魯僭而以風爲頌王降而以雅爲風一也然則豳何不遂爲雅蓋公劉草創區區爾未足比諸侯而況可爲天子乎稱風本舊也然則鵲鷦以下非豳亦屬豳何也皆西人之詩周公之事也周公老于周而魯無風可繫進不敢附于周南故退而繫之豳也後天下者周公之心不忘先業者周公之志也非聖人孰能定之

七月流火

毀叶

九月授衣

叶

一之日歲

必發

二之日栗

叶

烈

叶

無衣無褐

喜叶

何以卒歲

旗叶

三之日于耜

史

四之日

舉趾同我婦子

米叶

饁彼南畝

田

至喜○七月流火九

月授衣春日載陽有鳴倉庚

剛叶

女執懿筐遵彼微行

杭

爰求柔桑春日遲遲采蘩祁祁女心傷悲殆及公子同

歸○七月流火八月萑

完

葦蠶月條桑取彼斧斯

鉞

以伐遠揚猗彼女桑七月鳴鵲八月載績

漆

載玄載黃我朱孔陽爲公子裳○四月秀萼五月鳴蜩

條

八月其

合叶

穫十月隕穽

託

一之日于貉

莫

取彼狐狸

離

爲公子

裘

其叶

二之日其同載績武功言私其縱

宗

獻豸

堅

于公

○五月斯螽動股。六月莎

後

雞振羽。七月在野。

汝

八月

在宇。九月在戶。十月蟋蟀入我牀下。

虎

穹窒熏鼠。塞向

瑾覲

戶。嗟我婦子。曰爲改歲。

叶上

入此室處。

○六月食

鬱及薁。

郁

七月亨葵及菽。八月剥

撲

棗。十月穫稻。

叶上

爲此春酒。以介眉壽。

叶上

七月食瓜。

孤

八月斷壺。九月

菽苴。

苴

采荼薪樗。

虛

食我農夫。

○九月築場圃。

十月

納禾稼

故黍稷重穆。

六

禾麻菽麥。

叶

嗟我農夫。我稼既

同上。入執宮功。晝爾于茅。宵爾索綯。

桃

亟其乘屋。其始

播百穀。○二之日鑿冰冲冲。

叶上

三之日納于凌陰。四之

之日其蚤。獻羔祭韭。

叶上

九月肅霜。十月滌場。朋酒斯饗。

曰殺羔羊。躋彼公堂。稱彼兕觥。

史觥光萬壽無疆

古序曰七月陳王業也。毛公曰周公遭變故陳后稷先公風化之所由致王業之艱難也。○朱子改爲周公以成王未知稼穡之艱難作此戒之非也。若是則朝廷獻納宜屬雅令與東山鳴鵩同繫風末則周南之變也。聖人遭兄弟之謗庸非變與人情艱則思危勞則反本履泰則驕思先則懼。晉者周先公之始造幽也勤以力本儉以制用豫以趨時孝以養老忠以奉君慈以育衆陰陽日月寒暑必按其節昆蟲草木榮枯必審其時祭祀燕饗興作勞逸必謹其禮敬天

勤民教養休息數百年而後成文武之業若此其艱  
難也二叔不類有忝式穀成王以嗣子大弗克恭不  
寬綽厥心譎張于小人而疑忌師保是時紂子未殄  
東方多難西土人不靜國家之事未可知故公陳先  
世憂勤以告王使克念爾祖勿忘艱難亦人情疾痛  
呼父母之意與○章一我周勤儉開國忠厚傳世先公  
之治幽其風可陳焉民生衣食爲先幽民爲衣不待  
寒至也時方七月火星昏而西下暑氣退矣至九月  
霜降始寒民家相授以衣過此十一月一陽生之日  
風寒而感發過此十二月二陽生之日氣寒而栗然



若不桑麻則無衣不狩獵則無褐何以禦寒卒歲乎  
幽民爲食亦不待饑至也正月三陽之日往脩耒耜  
二月四陽之日舉足以耕民間婦子皆出餉于南畝  
田畯之官見民之勤亦至而喜也○二七月火星西  
流九月將授衣不可不豫也春日始和倉庚鳴而蠶  
桑初生女執深筐循小徑求穉桑之葉是時春日舒  
長蠶生未齊采蠶以啖淡之者祁祁衆也此采桑采  
蠶之女感仲春及時覩公子于歸念已亦將與同矣  
君民之分雖異而遠父母兄弟之悲無貴賤一也○  
三今年七月流火已豫備來年之蠶桑故八月荏葦

成則蓄爲曲薄以待養蠶之用及蠶生之月折桑條以取其葉執斧斫以伐遠枝揚起者其女桑低小采其葉而留其猗然之條至七月秋至伯勞鳴八月麻成則績爲布而布與帛皆染之或玄或黃其朱者甚鮮明供爲公子之裳也○章四四月陽極陰萌萋草感而秀五月陰生蜩感而鳴漸至八月四陰秋成穫稻矣十月純陰草木落擇大寒至矣于十一月一陽之日往祭貉取狐狸之皮獻爲公子之裘至十二月二陽之日同衆繼獵以續武功所獲小豕曰豮以爲已用大豕曰豮獻之公家也○章五宮室所以蔽寒寒生

于陰五月陰生斯螽動其股而鳴六月二陰莎雞振  
其羽而鳴七月蟋蟀猶在野八月寒至依人在于檐  
下九月漸近在戶十月大寒入于牀下是時室中有  
穴塞之有鼠熏之塞北向之牖塗荆竹之戶呼其妻  
子曰歲改天寒可入此室居矣○乾六月鬱蓂二李  
新熟可食七月葵與菽可烹八月棗可撲十月稻可  
穫釀春酒以助眉壽凡此養老不敢不豐也若我農  
夫七月瓜猶可食八月壺猶可斷九月麻子可拾茶  
可菜樗可薪凡食我農夫者從其儉而已○乾圃地  
氣寒時維九月禾稼將熟始築種菜之圃爲納禾之

場至十月始穫有黍有稷有先種後熟之重有後種  
先熟之穆凡禾麻菽麥無一不登矣乃相告曰田中  
之稼旣聚可以上入都邑執公宮之功公事畢晝往  
取茅夜則絞索亟升田中之廬補葺之來春將始事  
播穀不暇爲此矣○韋藏冰發冰公家調燮之事亦  
民事也十二月二陽方微隆陰固閉乃于深山窮谷  
鑿取其冰以達陽氣冲冲然微也至正月三陽之日  
陽氣蘊伏在下納冰于地藏之凌陰之室至二月四  
陽方盛晨朝獻羔以告司寒之神取新生之韭以祭  
寢廟薦冰所以爲公家役者禮無不備也九月氣肅

霜降十月農畢埽滌其場於時奉兩尊之酒以饗于公殺羔羊升君堂舉兕觥酌獻公而祝萬年無疆界之壽也○火心星也六月之昏見于南方午位至七月之中漸移而西故曰流于往也耜以鐵起土也耒耜上曲木一之日謂十一月之二之日謂十二月之日周以十一月爲正月十二月爲二月故云一二以別于夏正也或曰五月至九月六陰皆稱月月主陰也一之日以下六陽皆稱日日主陽也載始也陽和也懿筐美筐以盛桑葉微行小徑也柔桑稚桑也蠶初生桑始發也絜白蒿蠶小未能食桑以蒿啖之

也公子。幽公之女子始將也。將如君女同時嫁也。上  
 下親比之辭。萑一名藪。玩始生爲莢。長爲藪。成爲萑。  
 也。葦蘆也。二物可爲曲薄。以盛蠶也。條桑。拔條取其  
 葉也。妥孔曰。斧方孔曰斨。斧同。而以受柄之孔。方  
 長異名也。遠楊。遠枝揚起者。女桑。桑低小者。猶短牆。  
 言女牆也。鵲。伯勞也。五月鳴。六月哺雛。少鳴。七月鳴。  
 則將化矣。通作鵲。吾鄉人呼爲嫁。卽似鸚鵡而尾長。  
 純黑捷疾。善搏鳥。鳶畏之。故又名搏勞。一名伯趙。趙  
 疾也。良耜云。其鉞斯趙。故春秋傳曰。伯趙司至。楚辭  
 曰。鵲鳩鳴而草木不芳。陸佃云。陽氣動。倉庚鳴。蠶之

候也。陰氣動，鴈鳴，續之候也。本草云：鵙鵙，卽杜鵑也。孔陽甚鮮明也。不榮而實曰秀。蓂，遠志。一名小草。蛭，蟬也。擇落葉，貉禡祭狸野猫同。同衆，續繼也。武功，獵也。豕一歲曰豮，三歲曰豨。斯螽，蚱蜢也。以股相切作聲。莎雞，似螽而色斑，振羽索索作聲。一名促織，聲如急織也。宇，檐下也。蟋蟀，卽促織。穹，與空通。孔也。室，塞也。向北窓也。瑾，塗也。庶人葦戶，故塗之。鬱，莫皆李屬。鬱，實大如李而正赤，與棣類。一名雀李。莫，郁李。與鬱類。葵有白紫二種，可茹。菽，豆也。剥，撲通擊落也。冬，釀春熟曰春酒。瓜至七月瓠至八月過時而賤也。瓠，乾

可爲壺。故曰壺叔。拾也。苴麻子。場圃同地。春種爲圃。秋築爲場。禾穀之總名。在野曰稼。自田入邑曰上宮。功。公家之役。古者用民之力。歲三日。卽此時也。乘升也。屋田中之廬。冲冲。陽氣微也。凌陰。冰室。滌埽也。兩尊曰朋。

七月八章章十一句。○或問七月與篤公劉何風雅之殊也。七月民事。篤公劉君事也。然周禮春官籥章云。祈年吹豳雅。蜡祭吹豳頌。何也。此詩歌于朝廷。可爲雅。歌于祭祀。可爲頌。鄭康成謂如采桑之女。感時思歸。是風。春酒介眉壽。是雅。稱觴祝君。是頌。朱元晦



不然之而以楚茨諸詩當國雅

鴟如

鴟十

鴟既

取我子

倒

無毀我室

叶

恩斯勤斯

叶

按

鴟育

子之閔

叶

斯

○迨天之未陰雨

徹彼桑土

綢繆牖

叶

按

戶今女

汝

下民或敢侮予

叶

○予手拮据

居

予所捋荼

叶

按

予所蓄租

予口卒瘁

徒

曰予未有室家

叶

○予羽譙譙

叶

按

樵

予尾脩脩

消

予室翹翹

風雨所漂搖

予維音嘒嘒

象

按

古序曰

鴟鴞

周公救亂也

毛公曰

成王未知周公之

志

公乃爲詩以遺王

名之曰鴟鴞焉

○武王崩

成王

立

周公爲相

使其兄管叔

鮮

監紂

子武庚治殷

管叔

將以殷畔

流言于國

曰周公將不利于孺子

王疑公

叶

按

叶

公告太公召公曰。我弗避。無以告我先王。乃避位。居東二年。管叔叛王。執而誅之。猶疑公未釋也。公乃自東作此詩。貽王。首章言鴟鴞呼武庚也。取我子。謂陷管叔于死也。二章末。雨綢繆。比武庚尚在東方。未寧勸王早圖也。三章以後。皆自明已志。然序不言公自明。而曰公救亂何也。是時成王幼冲。國家新造。紂子未殄。奄徐外叛。故公作此詩。悟王不知者。謂公自明而知者。謂公救王室與天下也。大哉序言。非知社稷之計。諒聖人之深衷者。孰能作之。朱子謂以金縢爲文有據。而不知以金縢爲文者。毛氏解序之說。序云。

周公救亂者雖金縢亦未之及也又謂此詩爲周公東征二年誅管叔武庚作按書居東非東征也居東避位而東直黜殷也居東二年東征則三年也誅管叔者成王非周公也管叔雖誅而武庚尚在是詩作于成王殺管叔之日公居東未歸而東征則西歸之後矣朱子誤于漢儒周公殺兄之說漢儒又誤于孔書蔡仲之命孔書又誤于解金縢弗辟之語承訛相習使聖人蒙千古不白之冤以迄于今愚于書金縢大誥諸篇詳辨之矣○章鳥之惡鴟鴞者呼而告曰鴟鴞乎鴟鴞乎爾今殺我子矣勿更壞我巢室也以

我如斯之恩愛如斯之勤苦育養此子如斯其可憐  
憫爾旣取之更欲毀我室邪○二我及天未陰雨之  
先剥取桑根以纏綿巢之牖戶預防風雨勤勞非一  
朝夕矣今此巢下之民或敢有侮慢思毀我室者乎  
抑不知其不可也○三予之手拮据而操作予將取  
崔茗以藉巢予蓄而積之租而聚之以至于予口盡  
病凡以我未有室家且豈爲爾毀乎○四予之羽譙譙  
譙然滅削矣予之尾脩脩然敝敗矣予之室方翹翹  
然顛危風雨又漂蕩搖動予維嗟嗟然叫呼而已○  
鷓鴣惡鳥攫鳥子而食者也託爲鳥之哀予者呼鷓

鴝告之以鴝鴝比武庚以子比管叔也言武庚既陷  
管叔于死勿更與奄徐諸國謀亂王室也嚮與育通  
養也閔憂憐也牖戶巢之出入處也拮据操作勤勞  
之狀荼蘆花也白茅之屬

鴝鴝四章章五句○誦鴝鴝而知周公於是始有東  
征之志矣昔武王誅紂封其子罰弗及孥仁也及管  
叔以武庚叛奄徐諸國又叛則殷周不兩立者天下  
之定勢也況管叔誅矣武庚可獨免乎故以鴝鴝比  
之始視紂子爲不祥之物歸而遂有東山之師也

我徂東山惓惓不歸我來自東零雨其濛叶我東曰歸

我心西悲。制彼裳衣。勿士行杭。枚蜎蜎者蠋。烝在

桑野汝叶堆。敦堆彼獨宿。亦在車下虎叶。○我祖東山。惓惓不

歸。我來自東。零雨其濛。果臝之實。亦施于宇。伊威在室。

蠨蛸在戶。町疃鹿場。熠奕燿宵行不可畏。

也。伊可懷也。○我祖東山。惓惓不歸。我來自東。零雨其

濛。鴈于垤。婦嘆于室。洒掃穹窒我征聿至。有敦

堆瓜苦烝。在粟薪。自我不見。于今三年我。○我祖東山。

惓惓不歸。我來自東。零雨其濛。蒼庚于飛。熠燿其羽五叶。

之子于歸。皇駁其馬親結其縢。九十其儀其新。

孔嘉歌叶其舊如之何。

古序曰東山周公東征也毛公曰周公東征三年而  
歸勞歸士大夫美之故作是詩也一章言其完也二  
章言其思也三章言室家之望父也四章樂男女  
之得及時也君子之於人序其情而閔其勞所以說  
也說以使民民忘其死其唯東山乎○周公避謗居  
東二年成王誅管叔得鵙鵙之詩感風雷之變始悔  
悟迎公公歸大誥天下奉王東征武庚伐奄孟子所  
謂三年討其君滅國五十卽此行也大亂旣殄將卒  
生還閭閻安堵皆公所以振溺亭屯而躋之安全者  
故周大夫作是詩亟道其使民忘勞而公之忠勤盡

瘁神武不殺皆隱然言外可謂善頌而朱子謂爲公  
自作以勞歸士如采薇枳杜之類則仁人之言不待  
公而能之矣況可以風而亂焉雅乎（一）章一山東太亂  
王師徂征惛惛三年可謂久矣班師東歸零雨沾濛  
行旅載途又何勞也我自東山言歸心已西望家鄉  
而悲客久衣敝歸則更制裳衣勿復事行伍銜枚矣  
視彼蜎蜎然蠕動之蠋在此桑林之野如我敦然獨  
宿不移亦在此戎車之下相隨生還人與物咸亨也  
○章二我徂東山惛惛三年今我來歸陰雨載道久役  
于外田舍荒蕪枵腹之實蔓延于簷宇伊威小蟲生



于室中。蠨蛸結網當戶。含傍畦。攜隴荒爲鹿場。螢火  
夜行。景象淒涼。雖畏勿畏。故國故鄉。伊可懷思耳。○  
三我往東山三年不歸。我來自東。又窘陰雨。鵲性好  
水。蟻性知雨。蟻出爲垤。而鵲鳴其側。征夫遇雨于路。  
婦人悲歎于室。乃洒掃其地。塞其空隙。而征夫遂已  
至矣。見彼敦然不動之苦瓜。繫于栗薪之上。比我匏  
繫東山。其苦同之。不見室家于今三年矣。○四我往  
東山。惓惓不歸。我自東歸。零雨在途。征士未有室家  
者。歸及仲春。倉庚飛而羽鮮明。親迎歸妻。乘或皇或  
駁之馬。母送其女。結帨告戒。禮儀之多。九十具備。此

新昏者固甚美矣。彼舊有室家者相見而喜當如何。  
邪。○周都豐鎬殷都中原。故伐殷曰徂東。東山猶言  
山東。中原在大行山之東也行陣也。校如箸銜之以  
止。諠蝟動貌。蝟野蠶也。字从蜀。蜀國爲蠶叢。烝衆也。  
謂養蠶采桑之衆。古蠶室就桑野。敦獨處不移貌。古  
者車戰止則爲營衛。故戰士皆宿于車下。果羸瓠紐  
腰似蜂者伊威小蟲。似白魚。生壁根甕底。蠨蛸小蜘蛛  
叮嚙舍傍。哇壠也。熠燿螢火。蛭蟻聚土也。將雨水  
泉上濕。蟻穴畏濕。銜土爲塚以防濕也。敦不動也。烝  
升也。栗薪栗樹可爲薪者。椽屬。熠燿其羽。黃鳥羽鮮

明也黃白曰皇駁文如蘇青白色縞帨也母臨嫁戒女綰結其帨使無忘也士昏禮母施衿結帨曰勉之敬之夙夜無違宮事庶母申之曰夙夜無愆視諸衿

東山四章章十二句

既破我斧又缺我斨林周公東征四國是皇哀我人斯亦孔之將○既破我斧又缺我錡叶周公東征四國是叱哀我人斯亦孔之嘉叶○既破我斧又缺我錄求周公周公東征四國是適叶哀我人斯亦孔之休

古序曰破斧美周公也毛公曰周大夫以惡四國焉

○朱子改爲征士答前篇周公勞已而作非也朱子于凡詩義相似者輒以後爲答前斧斨似兵破缺似戰故以破斧爲答東山然使東山之戰至于兵器破缺則殺人多矣豈褒美之辭詩言戎器惟車馬弓矢戈矛而斧斨以斨新伐木王室有公劈解盤錯猶斧斤也因以爲比司馬法輜車載一斧一斤一鑿一耜一鋤二版二築皆軍中燕薶築壘用之故次章缺錡錡釜屬所以鑿采蘋云子以湘之維錡及釜是也三章缺鉢鉢鏈鑿之屬皆任用之器朱傳謂爲征伐之用則兵器誤矣○一我公東征三年在外旣久破我

析薪之斧。缺我採樵之斨。朝廷倚公。猶薪木有斧斨。雖至破缺。敢辭勞乎。周公東征。務使四方下國一歸于正。天地父母之心。唯恐一人陷于反側。哀憫我民。豈不大乎。○二旣破我析薪之斧。又缺我炊煮之錡。勞苦而功高如此。惟使四方之國。訛化而已。其哀憫我民。豈不甚善乎。○三旣破我斧。又缺我鍤鑿之鍬。勤勞甚矣。周公東征。使四方之國。收斂安固。且其哀我民。豈不甚美乎。○四國四方之國。或曰。卽管蔡商奄也。

破斧三章章六句

伐柯如何匪斧不克取

娶

妻如何匪媒不得○伐柯伐

柯其則不遠我遘

姑

之子遘且有踐

叶

古序曰伐柯美周公也毛公曰周大夫刺朝廷之不

知也○朱子改爲周公居東東人喜見公而作非也

管叔既死鴟鵂既作公尚留滯東土成王感風雷之

變乃執金縢之書泣曰惟朕小子其親逆我國家禮

亦宜之王意欲親迎公未果者悔往事錯謬恐公意

未釋而踟躕所以迎公之禮以小人之腹爲君子之

心耳不知聖人天地之量其見疑也奚以對其既明

也奚以喜既不以蒙難而失常豈以既明而求雪詩

人諒公之深贊王親迎以伐柯娶妻比伐柯用斧娶妻用媒古有是語冕而親迎重其事也故借以諷玉而其言微婉苟無序必將以是詩爲婚禮而作矣○  
章一我公匡國定難王朝之斧斤也始而疑之今乃知之如人欲伐木爲斧柄仍須用斧雖欲舍斧不可得已安民附衆我公玉國之媒妁也始而忌之今乃信之如人欲娶妻必因原媒雖欲舍媒不可得已今王欲安天下而不迎公歸其可得乎○  
章二欲伐柯乎欲伐柯乎卽手中所執之柯便是新柯之法今欲歸公但悔前日之誤卽成今日之是豈有他哉亦惟設其

籩豆踐然陳列。君臣相與燕笑。一見而往事釋然矣。  
聖人豈有成心乎。○踐行列整齊貌。古踐與斬通。  
伐柯二章。章四句。

九罭域之魚。鱗<sub>付</sub>魴。我覲之子。袞衣繡裳。○鴻飛遵渚。  
公歸無所於女。<sub>汝</sub>信處。○鴻飛遵陸。公歸不復於女。信  
宿。○是以有袞衣兮。無以我公歸兮。無使我心悲兮。

古序曰。九罭。美周公也。毛公曰。周大夫刺朝廷之不  
知也。○前篇諷成王以饗禮迎公。此篇諷王以冕服  
迎公。朱子改爲周公居東。東人喜之而作非也。夫居  
東公之不幸也。不以朝廷失公爲憂。而以東人見公



爲喜其于君子立言大義近兒女私情。謂周大夫託東人愛公諷王則可。謂東人喜之而作則謬矣。九罭九囊大網物莫大於魚。魚大則網恢。九罭之言九域。以比天子羅致大臣也。鱣魴皆魚名。鱣之言忖。魴之言方。忖度所以挽回公之方也。蓋王悔始之失公而詩人諒公之忠順。惟王還其舊服而已矣。上公衮冕卽冢宰之服。鴻飛比公去位高蹈也。遵渚遵陸比二年居東也。一章謀所以迎公之禮。二章三章揣公必歸而託爲辭。東人之語四章迎公西歸而託爲東人留公之語。是時公居東已二年矣。信處信宿諷王之

速迎公也。蓋王雖不諒公，而公終未忍忘王。往迎則必反，故東人悲公歸，而朝廷不恤公去。詩所以歎其不知而表公之盛德精忠，無絲毫怏怏懟主之情。其辭義懇惻微婉矣。○章一九罟之網設，則魚無不得有鱗焉。有鱗焉，今我西人欲覲公，無他，惟王以龍衮之衣，絺繡之裳，往迎還其舊服，復其舊位，而公可得而覲矣。○章二王以禮往，公必遽歸，如鴻飛，宜戾天。今遄彼洲渚，公之居東猶在渚也。王欲公歸，元宰虛席，豈其無所乎？今而後於汝東土，不過信處而已。○章三鴻飛宜高舉，而乃遄彼平陸，公之居東猶在陸也。王欲

公歸公豈不復乎。今而後於汝東土。不過信宿而已。  
○軻是以王之迎公也。有袞冕之衣矣。以公之忠順。  
王命不宿留。而君召豈俟駕在我西人喜公還在彼。  
東人悲公去。曰王無以我公歸。無使我心悲。聖德所  
在。人心愛慕。豈朝廷之上而無知公者乎。○九罭九  
囊之網。鱗魚似鱗。渾上聲細鱗而赤眼。魴。鰕也。我西人  
也。覲遇見也。時公居東。歸則西人得覲也。袞衣刺龍  
於衣。龍形卷。袞然故謂之袞。繡裳繡五采於裳也。鄭  
玄九章之說未可憑。詳見周禮。遵循也。渚。小洲。汝謂  
東人再宿曰信。高平曰陸。是以有袞衣。承上三章言。

王果以袞衣繡裳往迎而公遂去東西歸也

九罍四章一章四句三章章三句○誦九罍而知聖人忠愛之無已也臣之事君無所逃於天地之間始以王見疑而去負罪引慝人臣自靖之分也苟君能諒臣之無他則懽然相與棄其舊而圖其新豈復有纖芥不釋之憾詩人所以深知公而託詠于九罍之魚也爲人臣者師周公可矣

狼跋其胡載蹇

致

其尾

叶公孫

遜

碩膚

扶

赤舄

音

几几

○狼蹇其尾載跋其胡公孫碩膚德音不瑕

叶

古序曰狼跋美周公也毛公曰周公攝政也遠則四

國流言近則王不知周大夫美其不失其聖也○狼  
豺狼美聖德而言豺狼者才良之寓言也狼行顧其  
後比公去國未忘王室也狼性怯走善還比公居東  
西歸也世稱顛連曰狼狼冗亂曰狼藉播棄曰狼戾  
放散曰狼宕皆患難之比也○章狼之急走也進則  
躐其項下之胡退則自礙其尾其顛沛失所甚矣我  
公遭難去國豈讒口所能傷惟公自讓其大美耳視  
其所著赤舄几几然安舒素履無咎豈以顛沛而改  
其常度乎○章狼退則露其尾進則跋其胡公之遭  
讒猶是也雖讓大美不居而盛德徽音如玉之完瑜

無有瑕玷也。○跋躓也。胡項下懸肉。寔顛躓也。孫遜同。避也。猶春秋公孫于齊之孫。金縢曰。我之弗避。無以告我先王是也。碩膚。大美也。赤舄。朱屨也。複下曰。舄。單下曰。屨。几几。安舒也。德音。令聞也。瑕。玉病也。狼跋二章。章四句。○誦狼跋而知世路險巇。自古爲然。聖如周公。猶不偶士。宜何如。以自處。有大美而能讓焉。其可矣。孔子溫良恭儉讓。故雖若於行而日尊以光。使憂能傷人。周公孔子。何以免乎。詩可以觀。其斯之類與。

毛詩原解卷十六國風終

毛詩原解卷十七

郝敬習

小雅

列國之詩謂之風王朝之詩謂之雅風俗也雅正也  
正者政也言小政者爲小雅言大政者爲大雅皆王  
朝之詩小雅多言政事而兼風大雅多言君德而兼  
頌故小雅之聲飄姚和動大雅之聲莊嚴與則小大  
之義盡此矣司馬遷謂國風好色不淫小雅怨誹不  
怒以國風小雅並言不及大雅亦此意雅有正變皆  
周末東以前西京之詩東遷而後無雅故曰詩亡

鹿鳴之什

雅無諸國之別毛氏以次列爲什如軍法十人爲什也自鹿鳴至魚麗十篇爲鹿鳴之什外南陔白華華黍三詩有目無篇不與焉皆文武之雅朱子以亡詩配數改編而小雅舊什亂矣

呦呦鹿鳴叶食野之苹叶我有嘉賓鼓瑟吹笙叶吹笙鼓簧承筐是將人之好我示我周行叶○呦呦鹿鳴食野之蒿我有嘉賓德音孔昭視民不恍叶君子是則是敝我有旨酒嘉賓式燕以敖○呦呦鹿鳴食野之芩我有嘉賓鼓瑟鼓琴鼓瑟鼓琴和樂且湛叶我有旨酒



以燕樂嘉賓之心

古序曰鹿鳴燕羣臣嘉賓也。毛公曰既飲食之又實幣帛筐篚以將其厚意。然後忠臣嘉賓得盡其心矣。○朱子改爲燕饗賓客之詩。據燕禮鄉飲酒禮工歌用之。遂以爲通用之樂。然此詩初本天子燕羣臣嘉賓作。猶關雎本后妃之德。雖鄉射燕禮用之。未可遂爲鄉射燕禮之樂歌也。則此詩豈可遂目爲泛然燕饗之詩乎。鹿之言祿也。明主祿養賢臣。故臣僚有羣鹿之象。鹿陽物也。生于山。萋蒿荇皆草。生于澤。鹿食澤中有山澤交之象。易所謂咸者感也。故曰山上有

澤咸君子以虛受人是爲明主求教之象天地感而  
萬物生聖人感人心而天下和平故易以咸首下經  
詩以鹿鳴冠雅其義同所以爲登歌之首也○章一鹿  
生于山苹生于水鹿呦然和鳴食野之苹山澤交感  
所以聲和我有嘉賓燕饗樂作鼓瑟而吹笙簧奉筐  
以筵幣帛禮備情和庶幾嘉賓好我示以經國之大  
道也○章二蒿生于藪鹿之和鳴食野之蒿我有嘉賓  
仁義之言形于旅語足以示民使不悞薄爲君子者  
所當則倣故我有旨酒與嘉賓燕飲遨遊竊觀法之  
益也○章三芩生于濕鹿之和鳴食野之芩我有嘉賓

燕飲樂作和樂且久豈口體之養將以安樂嘉賓之  
心契而後忠告可幾也○呦呦和聲苹浮草莖以  
竹爲十三管列植匏中施金葉於管端謂之簫吹之  
鼓動其簧則鳴承奉也筐以竹爲器盛幣帛也周行  
大道也德音善言也飲酒之禮于旅也語樂記曰於  
是語於是道古也視與示同忉薄也芩草葉如竹莖  
如釵股生下濕鹹地牛馬喜食之湛樂之甚也

鹿鳴三章章八句

四牡騤騤非周道倭威遲豈不懷歸王事靡盬古我心  
傷悲○四牡騤騤離騷駘駘洛馬豈不懷歸王事靡盬

不遑啓處○翩翩者騅騅載飛載下集于苞栩王事  
靡盬不遑將父將父○翩翩者騅載飛載止集于苞杞王  
事靡盬不遑將母○駕彼四駘載驟驟駉駉豈不懷歸  
是用作歌將母來諗審叶

古序曰四牡勞使臣之來也毛公曰有功而見知則  
說矣○周先王遣使臣終事歸則歌此詩以燕之毛  
傳謂爲文王之詩稱王事者西伯受商王之命以統  
諸侯使臣往來皆王事也此因西伯未稱王而曲解  
之非也後儒遂謂文王末年稱王尤非也蓋凡風雅  
歌文王之事非卽作于文王之世周道大行而後禮

樂與是成王周公之世矣。故稱王事稱天子文武同  
焉。四牡使臣之乘馬也。馬行地無疆。坤道也。臣道也。  
故以比。雄曰牡。男子經營四方。故以四牡比。騅與睢  
通。卽睢鳩布穀也。其鳴勸耕。以比孝子耕田養父母  
也。○章一我乘四馬。騑騑然馳驅不息。周道回遠。豈不  
思歸。王事不可不堅固。必堅固而後言歸。是以懷思  
而傷悲耳。○章二四牡騑騑。不止。駱馬嘽嘽。然喘息  
勞亦甚矣。豈不思歸。王事不可不堅固。不得從容啓  
居耳。○章三翩翩然飛之睢鳩。勸耕之鳥也。下集于叢  
生之樹。而不能高飛。失其所矣。我爲人子。以王事不

可不堅固。不得耕田養父。失所亦甚矣。○章四翩翩者  
騅飛而止于叢生之杞。我以王事不可不堅固不暇  
養母。亦猶此騅矣。○章五駕四駱馬。駸駸前進。豈不思  
歸爲君忘親。作此詩以養母之情來告君也。○白馬  
黑鬣曰駱。啓與踞通。跪也。處居也。古者坐以膝著地。  
以股著腓。有所敬則伸其股而踞。所謂長跪也。禮君  
子更端則起。起卽跪也。論語云。居吾語汝。居卽坐也。  
苞叢生也。杞。枸杞。將奉也。諭告也。

四牡五章章五句

皇皇者華。于于彼原隰。騶騶辛征夫。每懷靡及。○我馬

維駒居六轡如流如載馳驅周爰咨諏五○我馬維  
騏六轡如綏載馳驅周爰咨謀六○我馬維駉六轡  
沃若載馳驅周爰咨度七○我馬維駒六轡既均載  
馳驅周爰咨詢

古序曰皇皇者華君遣使臣也毛公曰送之以禮樂  
言遠而有光華也○按此文王之詩後王遣使臣皆  
用之使臣受命不同總之宣上德達下情耳人主深  
居清穆四方艱難疾苦無由周知故使臣以周諮爲  
先務燕以遣之所謂送以禮也歌以樂之所謂送以  
樂也遠而有光華是皇華所取義也綸命寵被君以

華其臣奉使不辱臣以華其君朱子謂序不達詩意

非也○

章一

皇皇然光明者草木之英華或原或隰輝

映載路使臣衛王命而行光華亦如之其從行駢駢

然衆多之征夫疾趨君命各懷不及之憂也○

章二

我馬維五尺以上之駒六轡鮮澤而如濡駕是車馬馳

驅隨事隨處周徧不遺咨諏訪問助予一人耳目之

所不及可也○

章三

我馬維青黑之騏六轡調直如絲

乘此馳驅周徧咨謀其計畫可也○

章四

我馬維駉六

轡潤澤而沃若乘此馳驅周徧咨度其機宜可也○

章五我馬維陰白雜毛之駒六轡調齊而既均乘此馳



驅周徧咨詢於衆人可也○每者不一之辭

皇皇者華五章章四句

常棣弟之華鄂不韡韡偉凡今之人莫如兄弟體○

死喪之威叶兄弟孔懷原隰裒杯矣兄弟求矣○脊令

事在原兄弟急難鑒每有良朋盤況也永歎叶○兄弟

閱于牆外禦其務葉每有良朋旁烝也無戎○喪亂既

平既安且寧雖有兄弟不如友生○儋並爾邊豆飲酒

之飫遇兄弟既具和樂且孺○妻子好合吸如鼓瑟琴

兄弟既翕和樂且湛沈○宜爾室家姑樂爾妻帑奴是

究是圖宜其然乎

古序曰常棣燕兄弟也。毛公曰閔管蔡之失道故作常棣焉。○按武王周公管蔡皆文之昭也。武王崩周公相成王使管叔蔡叔監殷。管叔將以殷叛。流言毀公。王疑公。公遂避位去居東。明年管叔叛成王執而殺之。公不預聞不能救也。鬱鬱飲恨情見乎鵲鴉大詰諸篇及天下既定制禮樂追傷而作此詩。於凡合宗族燕飲則歌之首言兄弟至親。二章言死喪卽管叔見殺之事。三章言急難卽避位居東之事。四章言閱牆禦侮卽二叔流言武庚作亂之事。五章言旣安寧追惟往事極道悔恨之意。旣不忍叔之死而又不

敢尤王長歌代泣自怨自艾使工謔諷謂愬諸同父  
亟稱良朋者自恨爲兄弟不如朋友耳情有難言故  
末章云是究是圖其衷曲甚苦千載之下猶堪揮涕  
而世儒曾不究圖誣公殺兄愚于書金滕辨之詳矣  
學者誦鴟鴞常棣讀大誥康誥而不諒公之心則千  
古猶面牆笑貴誦詩讀書乎○章常棣之花衆藥同  
萼萼之承花韡韡外見兄弟同本亦猶此也凡爾今  
人試念天顯有如兄弟者乎○章居常無事則親疎  
不殊戚戚之情臨難倍切雖死喪可畏惟兄弟甚相  
懷恤也陳尸原隰哀而收之亦惟兄弟爲相尋求耳

○三章春令之鳥在彼原野首動尾掣一體相應兄弟  
急難如左右手可以人不如鳥乎每有善良之朋尚  
相憐而長歎況在同父能無悼痛邪○四章不令兄弟  
鬪很于家牆突有外侮何以禦之每有以良朋之衆  
相助而免于害者矣苟兄弟同心何憂外侮乎○五章  
今死喪禍亂平矣急難旣安矣外侮且寧矣追傷往  
事生死升沈杳不相及雖有兄弟不如良朋之永歎  
無戎其于天顯民彝亦甚乖矣○六章旣歷患難之苦  
益信兄弟之親今日之燕陳爾籩豆飲酒饜飫旣和  
樂矣兄弟不在非真樂也惟兄弟旣具而後相親如

孺子之真愛耳○乾妻子相好相和如鼓瑟琴生人之慶也苟兄弟相猜則其樂鮮終必兄弟既聚而後妻子和樂可長久耳○乾可知室家雖親得兄弟而後安妻孥雖和得兄弟而後樂此情深切難可言喻惟身親閱歷窮究其理圖謀其難始信誠然苟非身遭艱危者其孰能知之○棠棣猶棠棣梨也甘者曰棠蓂花蒂也韡與韡通花足有孚甲在外如人著韡然韡韡外見貌不豈不也威畏通原隰野外也哀斂尸也蓋指成王殺管叔之事禮公族有罪磬于甸人不與國人慮兄弟故曰原隰也求尋覓也脊令鳥名

飛則鳴行則搖有急難之狀每猶常也況也猶云尚  
且也閱很也務與耆通昏亂之象謂外侮也烝衆也  
戎害也傾陳也孺小兒也湛久也帑子也

棠棣八章章四句○誦常棣而周公無殺管叔之事  
愈明矣蓋二叔得罪王室與天下雖有可殺之罪而  
公終無殺兄之心天下以討罪人爲大義而公終以  
不能全兄爲不仁故于康誥曰弟弗克恭厥兄兄亦  
不念鞠子哀大不友于弟此詩亦云雖有兄弟不如  
友生其自然之情慘然蓋傷管叔之死而恨已之不  
能救也豈其有殺兄之事而又爲此辭乎春秋左傳

亦惑于周公殺兄之說謂是詩爲召穆公作夫召穆公則宣王之季矣序謂文武以天保以上治內安得有幽宣變雅雜于其中左氏紕繆不止此一端至其爲國語又謂爲周文公作其孤疑兩可本無足據然周公之詩序云文武何也凡文武之詩非作于文武之時蓋皆周公成文武之德作禮樂此其燕兄弟之樂也朱子疑世文不類謂此序與魚麗之序相矛盾可謂不達

伐木丁丁

詩

鳥鳴嚶嚶

英

出自幽谷

遷于喬木

嚶其鳴

矣求其友聲相彼鳥矣猶求友聲矧伊人矣不求友生

神之聽之終和且平○伐木許許節醴酒有與序上既

有肥羜

序上聲

以速諸父

上聲

寧適不來

叶

微我弗顧

古叶

粢酒埽

叶

陳饋八簋

叶

既有肥牡以速諸舅

叶

寧適不

來微我有咎

叶

○伐木于阪

反

醴酒有衍

叶

籩豆有踐

淺

兄弟無遠民之失德乾餱以愆

叶

有酒湑

叶

我無酒

酤

我坎坎鼓我蹲蹲

存

舞我迨我暇

叶

矣飲此湑

所

矣

古序曰伐木燕朋友故舊也毛公曰自天子至于庶

人未有不須友以成者親親以睦友賢不棄不遺故

舊則民德歸厚矣○太平非一士之力明主求賢如



爲室求木故以伐木比語曰良禽擇木良臣擇主主  
明則士附林茂則鳥歸故以鳥鳴爲比山林有士幽  
谷有鳥伐木聞鳥鳴比求賢得良朋丁丁用力以比  
求治許許人衆以比朋友山阪野處伐木賤事以比  
故舊王者貴不忘賤故屢詠伐木所以爲燕朋友故  
舊之詩也○章一入山伐木斧聲丁丁然豈一手之力  
于斯聞鳥聲嚶嚶然出谷遷喬以呼其朋偶而況于  
人伐木者聞此當益堅同志之好矣人情變態鬼神  
難欺苟能同聲相應神將聽之終當和好平康不至  
于乖離矣○章二伐木者許許人衆醢酒以飲與然均

齊蓋同力則同飲也今者之燕既有肥羜以遠諸父  
或諸父適有故不來我不敢失禮不顧也於乎粢然  
鮮潔灑埽其室陳設飯食盛以八簋殺有肥牡以召  
諸舅或適有故不來我不敢有遺忘之咎也○伐  
木于陂陀之阪醺酒以飲人衆而有衍蓋與之同勞  
亦與之同樂也今者之燕籩豆有踐成列兄弟具在  
無遠凡民失朋友之恩惟以脩脯糗糧之類吝而不  
分遂致疎薄我今有酒沛其糟而滑之無酒則賁之  
坎坎然擊我鼓踴蹕然起我舞及我閒暇之日飲此  
所滑之酒矣○丁丁斧伐木聲嚶嚶和鳴也許許人

多也。醴醴通酌之均也。與蕃蕪貌多而齊也。狩未成  
羊也。天子謂同姓諸侯。諸侯謂同姓大夫。皆曰父異  
姓。皆曰舅。微無也。顧念也。於歎辭。粲鮮潔也。阪陂陀  
不平之地。衍均而多也。兄弟同儕之稱。卽朋友也。乾  
果脯之屬。餽乾糧也。

伐木三章。章十二句。○按舊作六章。章六句。朱子改  
併三章。以每章起伐木。今從之。

天保定爾。亦孔之固。俾爾單厚。何福不除。叶去聲 俾爾多  
益。以莫不庶。○天保定爾。俾爾戩剪穀。罄無不宜。受天  
百祿。降爾遐福。維日不足。○天保定爾。以莫不興。如山

如阜如岡如陵如川之方至以莫不增○吉蠲媚爲饌  
熾是用孝享禴祠烝嘗于公先王君曰卜爾萬壽無疆  
○神之弔叶矣詒爾多福民之質矣日用飲食羣黎百  
姓偏爲爾德○如月之恆如日之升如南山之壽不騫  
不崩如松柏之茂無不爾或承

古序曰天保下報上也毛公曰君能下下以成其政  
臣能歸美以報其上焉○朱子謂人君以鹿鳴以下  
五詩燕其臣臣受賜者歌此詩以答其君古註意同  
則是羣臣嘉賓使臣兄弟朋友凡受燕者皆歌此詩  
則周臣之答上也○不幾于雷同虛文乎非也文武盛

時。上下交而泰道成。人心和悅。周公作是詩以鳴其盛。先有泰平之福。忠愛之情。而後樂歌興。非預作是詩。徒使諸臣誇誦如後世辭臣。矯飾以誣其君。非天儻之情矣。今觀其辭。曰單厚。諷以仁也。曰多益。諷以損也。曰戢穀。諷以盡善也。曰孝。諷以承先也。曰質。諷以治也。終之曰爾德歸美之中。責難之義備。所以爲天保也。朱傳單厚多益。戢穀之類。俱作福祿解。文義重沓。而乏諷規。與後世獻諛之辭何殊。蓋祝君而以曰不足神之弔。日月之盈虛。意微婉矣。○章一天道無親歸于有德。今觀天之安定爾。亦甚堅固矣。使爾君

道盡厚何福不開除與君又使爾多益不損下以益一人是以億兆繁阜莫不旣庶矣○二天之安定爾也章使爾翦然盡歸善道宜君宜王宜人宜民盡無不宜以承受天百祿天方降爾以久遠之福而爾能盈滿是懼維日貶損而不自足所以受天祿而無不宜也○三天保定爾無不興盛使爾宗社神器如山阜岡陵之固使爾多福方來如川之始至無一不加增引長也○四爾身祖宗所依庇也擇吉蠲潔而爲酒食以仁孝享祀祖考夏禴春祠冬烝秋嘗于先公先王之廟先公先王若曰期爾以萬壽無有疆界報其

考也。○韋祖考之。○閔爾也。詒以多福。使爾民風醇厚。習尚敦朴。不識不知。日用飲食。風俗一而道德同。羣黎百姓之德。徧爲爾之德矣。○六爾之受福。觀象于天。景運方新。如月上弦而經。如日初出而升。觀象于地。四字鞏固。如南山之壽。不騫虧崩裂。觀象于物。如松柏之茂。青青不改。無不爾承繼也。○保定猶言安定也。單盡也。一作亶信也。厚仁厚也。除猶除官之除。開也。開以予之也。多益豐盛也。損下益上曰益。損上益下曰多益。庶衆民也。戢翦通盡也。穀善也。養也。罄盡也。高平曰陸。大陸曰阜。大阜曰陵。吉善也。謂

卜日擇士蠲潔也謂齊戒滌濯饔食也謂桑盛公謂組紃以上先王謂大王以下君即先公先王也卜期也未然之辭弔恤也猶不弔昊天之弔春秋傳曰敢告不弔君有道則神恤之恆作經弦也月至初八九爲上弦將盈之漸也

天保六章章六句

采薇采薇薇亦作止曰歸曰歸歲亦莫<sub>叶如字</sub>止靡室靡

家<sub>叶猷</sub>猷<sub>險</sub>狁<sub>允</sub>之故<sub>叶平聲</sub>不遑啓居猷猷之故<sub>叶平聲</sub>○

采薇薇采薇薇亦柔止曰歸曰歸心亦憂止憂心烈烈載

饑載渴<sub>叶</sub>我戍<sub>叶</sub>未定靡使歸聘○采薇薇采薇薇亦剛



止曰歸曰歸歲亦陽止王事靡盬不遑啓處憂心孔疚  
討我行不來加○彼爾維何維常之華花彼路斯何君  
子之車叶戎車旣駕四牡業業豈敢定居一月三捷○  
駕彼四牡四牡騤騤葵君子所依小人所腓肥四牡翼翼  
象弭米魚服通豈不日戒叶玁狁孔棘○昔我往矣  
楊柳依依今我來思雨雪霏霏行道遲遲載渴載饑我  
心傷悲莫知我哀叶

古序曰采薇遣戍役也毛公曰文王之時西有昆夷  
之患北有玁狁之難以天子之命命將率帥遣戍役  
以守衛中國故歌采薇以遣之出車以勞去還杖杜

以勤歸也○朱子謂此未必文王之詩夫文王雖未  
爲王其爲方伯以王命遣戍自有樂歌此詩居正雅  
之先非文王烏足以當之亦猶國風首二南雖不必  
盡文王后妃之事而皆以歌詠文王后妃之化爲世  
法程也故風者教也自家庭以達于邦國雅者正也  
自朝廷以達諸天下教以君爲主故二南之事不出  
家國政以天子爲宗故小雅之事及于天下周之政  
教由文王興風雅皆自文王始也然何知非武王乎  
蓋文武同而謨烈異武王之烈誓命也著之史冊文  
王之謨禮樂也被之聲歌功莫大于武而德莫高于

文夫子于書記武功。而于詩歌文德。二南小雅關雎。鹿鳴諸詩。所以誌文王之德之盛也。當紂之末。禮樂征伐。雖奉商政。而周家聲靈。文物煥然。維新采薇。命將出師。想見當世威德隆重。而小心服事。不肯改姓。易物。三分有二。以服事殷。周之德可謂至德。文王旣沒。文在茲者。此之謂也。采薇比王師制敵之易。薇之言微也。四章言常棣。比三軍和集也。王者之師。貴人和。所以制敵如采薇也。朱子論詩。以代言爲上之厚。三百篇中美刺多代言。聖人佚道使民。不在代言而在體恤之誠。讀者當得之言外。○章今之往戍也。方

春薇生采而食之薇始作也念我歸期在歲之暮遠  
戍邊境去其室家惟獯豸之故耳豈上之人無故勞  
我邪○二章采薇采薇薇初生柔弱念我歸期憂心烈  
烈熱中遠行饑渴戍事不得安定同行無歸人誰爲  
問我室家也○三章采薇采薇薇長而堅剛念我歸期  
當在歲暮之陽月王事不堅固啓處無暇憂心甚病  
我行離家方始未得卽歸來也○四章彼爾然茂盛者  
維何常棣之華也彼羽衛衆盛者伊何大將之路車  
也駕此戎路四馬業業不息豈敢安居當獎勵三軍  
一月之中三戰三捷以圖全勝也○五章駕車四馬騶

駑不怠將帥依此車以戰守士卒隨此車以進退如  
腓與足將卒既同心矣四牡翼翼行伍又整齊矣弓  
殖之殍象骨爲之盛矢之服魚皮爲之器械又精好  
矣然豈敢恃此而怠緩乎玃狁之難甚急無日不戒  
備也○六韜戊事既定班師有期因念昔者我行蒲柳  
方生依依柔弱所謂采薇時也今我來歸遇雪霏霏  
歲云暮矣行道長遠加以饑渴我心自哀傷耳其誰  
知之者乎○薇野豌豆苗可爲羹萋葉甚細故謂薇  
作始出土也柔稚也剛壯長也聘問也爾華盛貌常  
棣也路與輅同車也周禮五路革路以卽戎腓足肚

也。足行則腓動。魚水獸饌。猪其皮可爲弓韃。

虔

采薇六章。章八句。○按薇作而柔而剛。變文疊詠耳。

舊註謂三輩遣戍非也。

我出我車于彼牧<sub>訓</sub>矣。自天子<sub>謂</sub>我來<sub>訓</sub>矣。召彼僕

夫。謂之載<sub>訓</sub>矣。

集叶

王事多難。

聲去

維其棘<sub>矣</sub>。

○我出我車于

彼郊矣。設此旒。

北

矣。建彼旄矣。彼旃旒斯胡不旆旆。憂

心悄悄。僕夫泥瘁。

○王命南仲。往城于方。出車彭彭。旂

旐央央。天子命我城彼朔方。赫赫南仲。玁狁于襄。○昔

我往矣。黍稷方華。

訓

今我來思。雨雪載塗。王事多難。

不遑啓居。豈不懷歸。畏此簡書。○嘒嘒草蟲。趯趯阜螽。

未見君子。憂心忡忡。既見君子。我心則降。工叶赫赫南仲。  
薄伐西戎。○春日遲遲。卉木萋萋。倉庚喈喈。叶采芣祁。  
祁執訊。獲醜。薄言還旋歸。赫赫南仲。玁狁于夷。

古序曰：出車勞

去還旋

率

帥

也。○前篇遣戍，此與下

篇戍畢歸而燕以勞之。此篇勞將帥也。遣則將與卒  
同軍旅同心也。勞則將與卒異朝廷殊禮也。禮賜君  
子，小人不同日。勞將帥以出車，君子之儀衛，勞士卒  
以杖杜，小人之私情。○章昔我出車于郊外之牧，自  
天子之所謂我分閫而來，王命不敢宿。去聲留。去聲遂召  
僕夫，駕車啓行，王事多難，不可以緩矣。○二章昔我出

車在牧內之郊車上設龜蛇之旄以指揮後軍飾旄以旄又設鳥隼之旗以指揮前軍彼旄此旄旆旆然飛揚於車上此行任大責重憂心悄悄況駕車之僕夫亦爲之憔悴矣○章三此行大將爲誰南仲是也王命帥師往城朔方出車彭彭壯盛旂旄央央鮮明傳令三軍曰今日之事天子之命使我保障中夏非輕舉徼功也赫赫南仲玁狁畏服孔棘之難忽已攘除矣○章四玁狁旣襄振旅而還思昔我至朔方正夏日黍稷方華擬歲莫可歸而簡書復使西征遂及春矣雨雪解凍道有泥塗王事多難啓處不遑豈不思歸



畏此簡書耳○軫當此春日室家思曰草蟲嚶嚶而  
鳴阜螽趯趯隨之倡隨之情蠢動皆同是以未見君  
子憂心忡忡既見君子我心始下赫赫南仲方往伐  
西戎未得歸也○軫南仲今歸矣春日遲遲然舒長  
草木萋萋然茂盛黃鳥喈喈然和鳴采芣者祁祁然  
衆多當此景物熙和大將振旅執訊獲醜以歸威名  
赫赫之南仲獫狁平夷宇宙清寧功成凱旋豈不樂  
乎○我車謂大將之戎路也旗旐皆建于車上旐畫  
龜蛇以象玄武統後軍也旗畫鳥隼以象朱雀統前  
軍也玄武北方之宿北方色玄鱗甲曰武前軍屬南

朱雀南方鶉火之星也旆旆旃旄尾飛揚貌況猶且也彭彭壯盛貌黍稷方華盛夏時也塗凍釋而泥塗初春時也因伐西戎故踰年至春乃歸也簡書古以竹簡書命辭也訊問也敵之爲魁首者獻于王而訊問之醜衆也降服之衆也

### 出車六章章八句

有杕弟之杜有皖宛其實王事靡盬繼嗣我日日月陽止女心傷止征夫遑止○有杕之杜其葉萋萋王事靡盬我心傷悲卉木萋止女心悲止征夫歸止○陟彼北山言采其杞王事靡盬憂我父母檀車幘幘關四牡瘠

瘡管管征夫不遠○匪載匪來加憂心孔疚叶期逝不至叶  
質而多爲恤上筮偕叶止會言近叶止征夫遁止

古序曰扶杜勞還役也○出車以勞君子詳其事而  
美其功扶杜以勞小人敘室家私情而已扶杜孤樹  
也杜棣屬梨也實甘者爲棠澀者爲杜棠枝葉密而  
杜枝多刺其花皆合聚故棠棣比兄弟而扶杜比士  
卒花合而樹獨則孤卒合而軍還則散故爲還卒之  
比北山幽方憂思之比枸杞甜菜味苦士卒甘苦之  
比○章扶然特生之杜有睨然之實是秋冬之交也  
征夫遠戍以王事不可不堅固日復一日今歲已十

月猶不歸。女心傷悲。征夫可以服矣。○二章特生之杜  
萋萋其葉。又復春矣。征夫以王事出。踰歲不歸。我心  
傷悲。觀此草木萋矣。女心悲矣。征夫亦可歸矣。○三章  
陟彼北山。采杞而食。春忽莫矣。征夫以王事不得供  
子職。貽父母之憂。何但妻子乎。計時已久。檀車雖堅。  
今亦憚然敝矣。四馬雖壯。今亦瘠然疲矣。物猶如此。  
人何以堪。征夫或不遠矣。○四章望其載而匪載。望其  
來而匪來。憂心甚病矣。況歸期已過而不至。我心疑  
慮多爲之恤。乃卜之龜。乃筮之著。二者偕占。會云近  
矣。然則征夫之至。果不遠矣。○皖實貌陽十月也。女

李裝載也

以爲殷王非也

柳

# 葭叶

# 葭叶

鱧君子有酒多且旨○魚麗于鰓鰓鯉君子有酒旨且

有以叶○物其多矣維其嘉歌叶矣○物其旨矣維其偕豈叶

矣○物其有以叶矣維其時上聲矣

古序曰魚麗美萬物盛多能備禮也。毛公曰文武以天保以上治內采薇以下治外。始於憂勤終於逸樂。故美萬物盛多可以告於神明矣。○朱子改爲燕饗通用之樂歌。非也。明王盛時品物蕃阜詩人作歌以美豐亨富有之祥。聖人刪詩正雅。師文武崇王道而說者但爲上下飲酒定樂歌。道主人優賓之意。則全詩所言皆口腹殽饌而已。執儀禮鄉飲工歌爲據。則雅頌祇爲儀禮外傳。淺陋卑薄。何以言詩。○章魚者以葦薄爲蓄而魚麗于其中者。鱠有之。鱠亦有之。卽一水族之多而萬物可知。君子有酒既美而且多以

之行禮于何不備乎○章二魚之麗于鬻者鰾有之鰾

亦有之君子有酒既多又旨以之行禮無一不有矣

○章三魚麗于鬻者鰾有之鰾亦有之君子有酒行禮

既旨又有則用無不周矣○章四凡物多則患其不嘉

今卽一魚之類推之既多而又嘉非以充數爲多也

○章五物旨則患其不齊今物既旨而又齊非以希少

爲旨也○章六物有則患其非時今物既有而又時非

以不時爲有也○麗猶著也鬻以葦薄爲笱承梁之

空取魚也鰾魚頰黃善飛一名黃揚鰾魚皮有珠可

飾刀劔靶魴編也以形方得名鰾圓而長有斑點象

星文夜則仰首向北而拱故字从禮膽獨甘故从醴  
一名鮪俗稱烏魚是也鯁無鱗闊口腹平著地故得  
偃名卽鮪也以其多涎而黏連故名鮪鯉脊上有鱗  
一道數至尾凡三十六有赤黃白三種

魚麗六章三章章四句三章章二句○朱子謂魚麗  
非文武之詩不在鹿鳴什內據儀禮鄉飲酒禮笙歌  
相間謂歌有詩而笙無詩以南陔白華華黍間鹿鳴  
以下三詩由庚間魚麗崇丘間南有嘉魚由儀間南  
山有臺移舊章以合儀禮并古序改爲燕饗通用之  
歌置周道文武之盛不講竊恐未然夫聖人刪詩非



刪禮也。笙歌相間，自有禮儀在，何得以有聲無辭之  
空名寄之雅中？辭生于心，聲託于器。凡樂由心生，聲  
由辭生，有辭然後有聲，聲無辭不成章。若笙自爲笙，  
歌自爲歌，一歌間一笙，風雅頌之歌三百，卽合有三  
百。笙有三百，簫管竽箏之類，亦合各有三百。奚獨  
南陔、白華五六篇爾？又謂儀禮於鹿鳴四牡以下曰  
歌於南陔、白華，華黍曰笙，曰樂曰奏而不言歌，以此  
爲有聲無辭之徵。今按鄉射亦儀禮也，云奏騶虞，狸  
首而騶虞有辭，亦云奏。周禮有九夏，國語稱金奏肆  
夏，樊遏渠按肆夏卽時邁。樊遏爲韶夏，卽執競渠爲

納夏卽思文皆有辭而皆云金奏則奏亦辭也南陔  
白華之名卽九夏之類金奏九夏有辭笙奏南陔白  
華獨無辭乎又周禮箛章以箛吹豳詩豳詩卽七月  
箛吹七月亦猶笙吹南陔白華華黍也豳有辭而南  
陔以下獨無辭乎又禮記文王世子明堂位祭統升  
歌清廟下管象象卽維清也謂管奏維清于堂下管  
有辭而笙獨無辭乎大抵歌卽樂也未有有聲無辭  
之樂今分樂與歌爲二未見其可

南陔

白華

華黍

古序曰南陔孝子相戒以養也。白華孝子之潔白也。華黍時和歲豐宜黍稷也。毛公曰有其義而亡其辭。○按此皆武王時詩。萬物既多。孝子得養其父母。故次南陔。南陔者。取南風來陔隴之義。孝子奉養清潔。故次白華。時和年豐。故次華黍。詩亡而古序合編。故序得獨存。朱子以爲此笙詩。有聲無辭。引儀禮鄉飲酒及燕禮。鼓瑟歌鹿鳴。四牡皇皇者華。笙入堂下。磬南北面立。樂南陔。白華華黍。乃間歌魚麗。笙由庚。歌南有嘉魚。笙崇丘。歌南山有臺。笙由儀。謂歌有辭可。

歌笙有腔譜無辭。愚謂有腔譜則腔譜之音自成辭。腔譜所以調辭也。王者作樂頌功德。未有有腔無辭之樂。所謂鼓瑟而歌者。手彈口和。故曰歌。口吹而辭奏乎其中。故曰笙。曰樂曰奏。此序謂其辭亡者是也。若謂本無是詩而序爲後人妄增。是強詆之也。但其所以亡之故不可考。未知何獨亡笙奏諸篇耳。朱子執謂笙詩無辭。以此。

毛詩原解卷十七終